



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In idem, Sermo LVIII.

[urn:nbn:de:hbz:466:1-50232](#)

ex morte posse , cui resurgunt semper elementa : sic tempus ex tempore , sic ex nocte dies , sic de sepulchra sua semina : nec tu perire poteris , cum illa reuiuiscant: nec difficile est Deo facere de te sene, quod tu facis semper ipse de semine. *Vitam eternam.* Hæc fides , hoc sacramentum non est committendum chartis, non scribendum literis, quia chartæ & literæ magis cauta , quām gratiam proloquuntur : vbi vero Dei gratia , donatio diuina consistit, ad pactum fides, altitudo cordis sufficit ad secretū: ut hoc salutis symbolum, hoc vitæ pactum, diuinus arbiter nouerit, testis falsus ignoret. Signate vos. ipse autem dominus Deus noster sensus vestros, corda vestra custodiat: & in his quæ præcepit vobis, ipse vobis fautor assistat.

In idem , Sermo LVIII.

QVI fidem quærerit , rationem non quærerit: qui diuinam postulat, seponit humanam : qui Deo genitore nascitur , transcendit naturam : & temporis nil debet , qui temporis meretur auctorem. Ecce pia fidei germina videmus antè nasci vos velle, quām concipi : antè percipere cœli regnum , quām ventris angustias sustinere: sic tendere ad patris gaudia, ut matris transeatis languores : nec putatis abortiuum , quod maturum creditis esse per Christum. Sic Paulus Apostolus per fidem matus nascitur, qui *I. Cor. 15.* se abortiuum clamat esse per tempus. Accipite ergo fidem sola fide: nec queratis aperiri vobis ipsius fidei rationem , quam vos ne requireretis intra fidem vestra festinatione clausistis. Ad fidem vos filij hodie fides vestri auctoris inuitat, qui promissionis suæ ante fidem implet , quam fidem vestræ percipiāt sponsionis , & hoc restituit rebus humanis , ut olim verbo promiserat per Prophetam : Dilata , inquit , os *Sal. 80.*

198 D. PETRI CHRYSOLOGI
tuum , & adimplebo illud. Hoc est, tu dilata in con-
fessione , & ego illud ipsius confessionis replebo sa-
cramento : & mystico sermone ditabo , & replebo
illud toto eloquio cœlestis arcani. Et re vera filij quic-
quid audientis , quicquid respondentis obedientia
profitetur , hoc donantis & docentis Dei redundat
ad gratiam. Accepturi ergo symbolum , hoc est , pa-
etum vitæ , salutis placitum , & inter vos & Deum
fidei insolubile vinculum pectora parate , non char-
tam: sensum acuite, non calatum: & audita non atra-
mento , sed Spiritu ministrante describite: quia com-
mitti non potest caducis & corruptilibus instru-
mentis æternum , & in cælestè secretum , sed in ipsa
arca animæ , in ipsa bibliotheca interni Spiritus est
locandum : ne profanus arbiter , ne improbus quod
dilaceret discussor , inueniat : & fiat ad contemnen-
tis & ignorantis ruinam quod confitentis, & creden-
tis donatum est ad salutem : sed dicenti tibi Prophe-
te. Dilata os tuum & adimplebo illud: tu respondere
Psal. 80. possis. In corde meo abscondi eloquia tua, vt nō pec-
Psal. 118. cem tibi. *Credo in Deum Patrem omnipotentem.* Qui
confessus est patrem , confitetur & filium , quia sine
filio pater dici non potest: & quia Deo augeri , Deo
addi nil potest: semper fuit filius, quia fuit semper &
pater: nescit inchoari filius , quia deficere pater ne-
scit: nec crescit genitus , vbi genitor non senescit:
æterna , & coæterna patris , & filij substantia non
gradibus humanis , sed diuinis est æstimanda virtu-
tibus. *In Christum Iesum filium eius unicum , dominum*
nostrum. Christum vñctum accipe non communi oleo,
sed sancto, quo natus est spiritu. *Qui natus est de Spi-
ritu sancto.* Tali natu ritate consecrata est in Deo hu-
manitas , non tali dignatione minorata est in homi-
ne deitas. *Qui natus est de Spiritu sancto ex Maria Vir-
gine.*

gine. Virginitas Deum credidit, quia non nisi per Deū ipsa virgo esse potuit & mater. *Qui sub Pontio Pilato crucifixus est, & sepultus.* Iudicem indicat ut tempus designet: crucifixum memorat, vt passionis cōferat qualitatē, & inde fides argumērū diuinę virtutis, & veræ resurrectionis colligat, vnde impietas materiā contumeliæ, & occasionē præsumpsit erroris. Crucifixus in cruce, in ædito corā omnibus inimicis, & tota crudelitate spectantibus, & tota acerbitate obseruantibus, mortem suscepit. Sepulturam patitur ne mortem non adisse vt vinceret, sed simulasse vt eluderet, ab impiis iactaretur. *Sepultus, tertia die resurrexit.* Et si in passione nostræ se carnis veram probauit habuisse substantiam, per trium dierum figuram totam Trinitatis resurgit in gloriam. *Ascendit in cœlos.* Ascendit nos perfidens, non se referens, qui nunquam recessit è cœlo. *Sedet ad dexteram patris.* Ordo ibi diuinus est, non humanus: sic à dextris sedet filius, vt pater non sedeat à sinistris: vnica & singularis est diuina confessio, vbi superna virtus recipit nīl sinistrum. *Inde venturus est iudicare viuos & mortuos.* Desinant homines, desinant hæretici iudicare iudicem suum: sperent veniam, ne incurvant de tali præsumptione sententiam. *Credo in Spiritum sanctum.* Nunc perfecta est tua in Trinitate confessio, quando Spiritum sanctum vnius cum patre, & filio substantiæ fideli voce confessus est. *Et sanctam Ecclesiam.* Quia sic coiuncta Christo est, vt totam diuinitatis transferatur in gloriam. *Remissionem peccatorum.* Acquire tibi tua fide veniam: quia satis sibi inimicus est, qui hoc sibi dari non credit, quod tota benignitate largissimus promittit indultor. *Carnis resurrectionem.* Crede carnis resurrectionem: quia qui hoc non credit, fidem non habet in predictis, dicente Apostolo. Si mortui nō resurgent,

1. Cor. 15. neque Christus resurrexit. Quos iudicabit, quibus regnabit Deus, si vitæ, si iudicio, resurrectio non reddiderit, quos sæculo mors ademit? *Vitam æternam.* Manifestum est, quia vita æterna ipsa morte moriente succedit.

In idem, Sermo LIX.

Audistis vocem patris, vocem vocantis audistis, venite filij, venite, venite, quia venit tempus fidei, credulitatis dies, confessionis hora, venite peritores fidei, afferte syncerum pectus, cor mundum, pura vocem, ut quod per nos sermo salutaris insinuat, vos sancto capiatis auditu. Fides ex auditu, auditus ex verbo constat. Placitum fidei, pactum gratiæ, salutis symbolum tota simplicitate sensus audire, quatenus illud confessionis tempore, & audire possitis, & reddere: quia istud reddere est habere: diuinum munus qui reddiderit, non amittit. Datus legem Deus, iussit ut polli lauarent vestes, lauarent corpora sua, rotosque se ab omni carnis contagione mundarent, quia appropinquare Deo homo non potest fæce corporali, mundo squalore pollutus. Lex illa, quæ gratiæ vimbram tenuit, & figuram, purificationem merito querit tantam, tantam merito exigit puritatem. Audituris diuitatis sacramentum totum, quanta mentis, quanta corporis opus est puritate? Mundemus ergo corda, purificemus corpora, aperiamus oculos, referemus sensum, animæ ianuas patefaciamus totas, ut symbolum quod est fidei pactum, audire, capere, tenere, & in ipso cordis secreto semper seruare possimus. *Credo in Deum patrem omnipotentem.* Credimus in Deum, si negamus Deos: si renunciamus idolis, si diabolū & eius angelos abnegamus. Audi, inquit, Israel, dominus Deus tuus unus est. Et iterum: Non erunt tibi dij alij absq; me.

Deut. 6.